

# Ze barri?

ESKORIATZA / Egubakoitza / 2005eko maiatzaren 13a / 208. zenbakia

KOORDINATZAILEA: Iker Barandiaran • Otolora 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebbarri@goiena.com • Lege gordailua: SS200/99

## Bihar, zapatua, landareak banatuko dizkiete herritarrei Dendarien Jaian

IKER BARANDIARAN

Aspaldi honetan Eskoriatzako merkatariek fin dabilta lanean. Herrian gauzak egiteko gogo piztu gura dute, eredu emanaz. Bihar, zapatua, Dendarien Jaia egingo dute. Besteak beste, landareak banatuko dituzte herritarren artean.

Hortaz, jai berezia egingo dute herrian, Dendarien Jaia izenpean. 11:00etatik 19:00etara bitartean, izango dira ekitaldiak: herriko Plazan musika jarriko dute, eta Usurbilgo Urtinea hazitegiko lagunek landare sorta handia ekarriko dute. Astean herriko hainbat saltokitan txartelak banatu dizkiete erosleei. Bihar, zapatua, txartel horien truke landareak hartu ahal izango dituzte plazan jarriko duten postuan.

Txartel bakoitzaren truke landare bat eskuratu ahal izango dute. Hala ere, txartel bat baino gehiago dutenek, aukera izango dute landare handiago bat hartzeko. Eta horrez gain, txartel barik joaten direnek ere, gura izanez gero, landareak erosi ahal izango dituzte.

Eskoriatzako estankoko Balenen esanetan, "zerbait berezia egin gura genuen, eta oso argi



Merkatariek herrian giro apur bat jarri gura dute eta, bide batez, bezeroei eskerrak eman.

genuen ez geniola Eskoriatzako saltoki bati kalterik egin gura. Herrian loradendarik ez dagonez, ideia ona iruditu zitzaigun".

Herriko 20 bat saltoki ibili dira hori antolatzen: ile-apaindegiak, janari, arropa eta bestelako dendak, estetika zentroak... Horrez gain, Udalak eta herriko tabernari batzuek ere laguntza

*Dendariek gura dute bezeroen fideltasuna eskertzea, eta herriari giroa ematea*

eskaini diete. Hain zuzen ere, egun horretan jana eta edana ere emango dute, haiei esker.

### JARRAIPENA EMATEKO ASMOA

Antolakuntzako Balenek aditza eman digu eskoriatzarrez gain beste herrietako lagunak ere gonbidatu gura dituztela, Eskoriatzara gerturatu daitezten. "Harre-

ra ona badu, saiatuko gara jarraitzea ematen, eta ahal den neurrian, jai handiagoa egiten", azpimarratu zuen.

### MERKATARIEN ARTEKO LANKIDETZA

Eskoriatzan ez dago merkatarien elkarerik oraindik. Horren ordez, momentuz, gurago dute ekintza zehatzak egitea. Hala ere, gero eta lankidetzari handiagoa dute merkatarien artean. Azkeneko urteotan, Aratusteetan, saltzaile ugari elkartzan dira bazkaltzeko. Hainbat urtetan mozorrotu eta giroa jarri dute herrian. Horrez gain, laz festa-jantzi afaria egin zuten. Bihar, dendariak afaria egingo dute eta udaberri giroko arropekin mozorrotuko dira.

### SALTZEA BAINO, GAUZAK ANTOLATZEA

Iazko Gabonetan, erosleen eta bezeroen artean zozketa berezia egin zuten, eta oso harrera ona izan zuten. Ez zen gutxiagorako, saria kontuan hartuta: 1.000 euroko txartela eta bilagunendako afaria. Pauso hori eman ostean, konturatu ziren gauzak egiteko gaitasuna zutela.

Balenek oso argi du ekintza horien helburua ez dela gehiago saltzea. "Bezeroen fideltasuna eskertzea eta horrez gain, gaitasuna daukagunez, herriari giroa emateko gauzak antolatzea".

## Lagun dezente batu ziren Elizabarriko urteroko erromerian

I.B.

Joan den zapatuan, maiatzeko lehenengo zapatuan hain zuzen ere, egin zuten erromeria, Kurtzeberri azpian. Elizabarriko edo San Juan Txiki moduan ezagutzen den ermitan egin zituzten ekitaldiak.

Aspaldiko kontuak diren arren, ohiturak ez dira galdu behar. Eta hala egiten dute urtero hainbat eskoriatzarrek. Maiatzeko lehenengo zapatuan erromeria egiten

dute Kurtzeberri mendiaren azpian, Elizabarriko edo San Juan Txiki ermitan.

**MEZA, JANA ETA EDANA, ETA TRIKITIA** 11:00etan egin zuten hitzordua ermitan. 11:30ean, Mendiolako seme Madinabeitia abadeak meza eman zuen. Horren ostean, salda, txorizo egosia, ardoa eta sagardoa banatu zituzten.

Horrez gain, ez zuten kale egin Arrasateko trikitalariak. Azkeneko urteotan bezalaxe, han batutako lagunak alaitzen saia-

tu ziren, eta baita lortu ere. Han batutakoen artean, gehienak Mendiolako eta Arkarazoko semeak ziren. Hala ere, baziren aretxabaletarrak eta baita Eskoriatzako elizateetakoak ere.

### GAZTEAK ETA ATZERRITARRAK ERE BAI

Bitxikeri moduan, antolatzaileek esan digute gero eta gazte gehiagok egiten dutela bat hitzorduarekin. Eta Kurtzeberri bidean zihoazen lagunak, tartean aleman batzuk, ere egin zuten geladuna.



Hitzordua polita izaten da, eta gero eta lagun gehiago joaten dira.



**TELEFONOJAKINGARRIAK**

**ESKORIATZA**

Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

**BESTELAKOAK**

Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaizta (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

**OHARRAK**

**SASKIBALOI PARTIDUA**

Bihar, zapatua, junior mailako saskibaloitza taldeak Lipathar taldearen kontra jokatu du, 11:00etan, kiroldegian.

**ARETO FUTBOLA**

Bihar, zapatua, ohorezko ligako areto futbol taldeak Izarra Gorri taldearen kontra jokatu du, 16:00etan. Euskal ligako taldeak, berriz, Kanikas taldearen kontra jokatu du 18:00etan. Biak hala biak kiroldegian.

**AXTOKIRENAGENDA**

**PETTIREN KONTZERTUA**

Petti musikariaren kontzertua egubakoitzerako, hilaren 20a, iragarri zuten, baina domekan, 22an, egingo dute gaztetxean, 19:00etan.

**BATZAR OROKORRA**

Hilaren 26an, batzar orokorra egingo dute kultura-etxean, 19:00etan.

**ELKARRIZKETA**

**LUKAS PREST/MUSIKA TALDEA**

*“Ez dugu diskoetxeekin harremanetan jarri gura. Gurago dugu guk egitea”*

IKER BARANDIARAN

**L**ukas Prest taldea sasoiari dago aspaldian. Zuzenean grabatutako maketa kaleratu dute, eta entseguak egiten fin dabilta, hilaren bukeran abeslaria bueltatu bezain laster, hainbat kontzertu hitzartuta dituztelako.

**Zer zen taldea zuendako hasi zinetenean, eta zein helburu dituzue orain? Asko aldatu da planteamendua?**

Hasi ginenean, 2002ko San Pedro jaietan, zaletasun moduan hartzen genuen. Talde batek kale egin zuen gaztetxean, eta guk bertso batzuk jo genituen. Orain ere zaletasuna da, baina kontzertuak ganora handiagoarekin ematen gabilta.

Orain arte ibarrean jo dugu, batez ere: Aretxabaletan, Eskoriatzan, Arrasaten, Elgetan, Bergaran, Atxondon... gaztetxeetan gehienbat.


**Kaleratu duzuen maketa zuzenean grabatutakoa da. Ez da ohikoena zuzenean batekin estreinatzea...**

Zerbait grabatzea eta kalera-tzea pentsatuta geneukan, jendeak gure musika entzun zezan. Elgetako kontzertua egin ondoren, emaitzarekin eta jasotako soinuarekin konforme gelditu ginen. Hortaz, sei abesti propio eta Eskoria-Tza taldearen bertso bat sartzea erabaki genuen. 200 aleko tirada kaleratu dugu, eta inguruko gaztetxe eta tabernetan salgai jarri dugu. Ez daukagu asmorik diskoetxeekin harremanetan jartzeko. Gurago dugu guk geuk bakarrik egitea.

**Batek baino gehiagok pentsatuko du izena entzunda, heavya egiten duzuela...**

Jendeak izena entzuten duenean barre egiten du. Guztiek dakite izena nondik datorren, hitz joko bat da-eta. Hala ere, ez daukagu inolako iragan heavyrik.

**Hard-coretik hurbilago ikusten zaituztet. Etsaiak,**



LUKAS PREST

*“45 minutuko emanaldiak egiten ditugu, eta tartean hainbat bertso jotzen ditugu”*

**Eskoria-Tza eta bestelako enraginak antzematen ditut...**

Eskoria-Tza taldekoak betidanik izan dira lagunak, eta txikitatik entzun dugu euren musika. Horrez gain, egia da Etsaiak ukitu bat ere badugula. Gustuko ditugu baita ere Corazón

*“Txikitatik entzun dugu Eskoria-Tza eta lagunak dira; eta Etsaiak beti izan dugu gustuko”*

del Sapo, Inadaptats, Trono de Judas...

**Punk eta hardcore taldeek salaketak egin ohi dituzte. Gauza asko daude salatzeko?**

Bai. Guk torturaren, disperzioaren eta AHTren kontra egin dugu gure hitzetan.

**LABUR**

**Amaral enpresak egingo ditu Santa Ana auzoko lanak**

Udalbatzarrak erabaki zuen Santa Ana auzoa eraberritze-ko lanak Amaral enpresari esleitzea. Udalarren asmoa da maiatzaren bukaeran lanak hastea. Bestalde, aditzera eman dute Dorleta auzoan egin beharreko proiektuaren erakusketa maiatzaren azkeneko astean egingo dutela.

**Mendiolako pinudia merkeago jarriko dute salgai**

Udalak Mendiolan pinudi bat dauka, eta azkeneko urteotan berau saltzeko hainbat saiakera egin ditu. Horretarako, hainbat enpreekin eta partikularrekin harremanetan ibili da, baina ez du lortu. 189.318 eurotan saldu gura zuten, baina erabaki dute %10 merkeago eskaintzea.

**Pello Añorgak ipuinak kontatuko dizkie umeei**

Eguenean, hilaren 19an, Pello Añorga ipuin kontalariak txikiendako ekitaldia egingo du. Bibliotekan izango da, 18:00etan. Azpimarratu beharra dago egitarauan 26rako iragarri zutela ekitaldia, baina ez dute data horretan egingo. Añorgak eskola handia dauka ipuinak kontatzen.

**Jim TNT eta Azkater Pelox bakarlariek**

Bihar, zapatua, Arrasateko Jim TNT eta Bergarako Azkater Pelox gaztetxeko taula gainean izango dira, 22:30ean. Biak hala biak bakarlariek dira, eta bakoitzak estilo propioa du: TNT Los Cretinos taldeko abeslaria ere bada, eta folk amerikarra egiten du. Pelox umoretsuagoa da.

**JAR EZAZU HEMEN ZURE PUBLIZITATEA**

Ze barri?

943 79 86 21

SAION DE BELLEZA  
OSASUNA ETA EDERGINTZA  
**DORLETA**  
Aranburuzabala 22, behea  
ESKORIATZA  
Tel.: 943 71 51 20

LENIZ, C.B. KONPONKETAK

**LENIZ**  
ESKORIATZA

TXAPA, MARGOA eta MEKANIKA

**SUZUKI**

Aingeru ibiltokia z/g. • Tel.: 943 71 50 61 • Eskoriatza